

Dámhachtain do Thionscadal Ceoil 2025

le haghaidh gníomhaíochtaí dar túis an 1 Eanáir 2025 nó ina dhiaidh sin

Treoirlínte d'íarratasóirí

Spriocdháta: 5.30pm (am na hÉireann), Déardaoin an 25 Iúil 2024

Tabhair faoi deara: daoine faoi mhíchumas nó daoine a bhfuil riachtanais maidir le bealach isteach acu

Déanann an Chomhairle Ealaíon gach iarracht freastal réasúnta a chur ar fáil do dhaoine faoi mhíchumas nó do dhaoine a bhfuil riachtanais maidir le bealach isteach acu ar mian leo íarratas a chur isteach nó a bhfuil deacrachtáí acu teacht ar Sheirbhísí ar Líne. Má tá riachtanas speisialta agat sa réimse sin, déan teagmháil le hOifigeach Rochtana na Comhairle Ealaíon, ar an nguthán (01 618 0200/01 618 0243) nó trí ríomhphost (access@artscouncil.ie) chomh luath agus is féidir roimh an spriocdháta.

CLÁR

Cabhair a fháil maidir le d'iarratas	3
Pointí tábhachtacha nach mór cuimhneamh orthu	4
1. Faisnéis faoin Dámhachtain do Thionscadal Ceoil	5
1.1 Cuspóirí agus tosaíochtaí na dámhachtana	5
1.2 Cé atá i dteideal iarratas a dhéanamh?	6
1.3 Cé hé an t-iarratasóir?	7
1.4 Cé nach bhfuil i dteideal iarratas a dhéanamh?	7
1.5 Cad ar féidir leat iarratas a dhéanamh air?	8
1.6 Cad nach féidir leat iarratas a dhéanamh air?	12
1.7 Cén t-ábhar tacaíochta nach mór duit a chur isteach le d'iarratas?	13
1.8 Incháilitheacht	17
1.9 Cá fhad a thógfaidh sé chun cinneadh a fháil?	18
2. An bealach chun d'iarratas a dhéanamh	19
2.1 Cláraigh le Seirbhísí ar Líne na Comhairle Ealaíon	19
2.2 Líon isteach an fhoirm iarratais	21
2.3 Ullmhaigh aon ábhar tacaíochta atá riachtanach don iarratas	21
2.4 Iarratas a dhéanamh ar líne	23
3. An chaoi a ndéanaimid measúnú ar d'iarratas	25
3.1 Forbhreathnú	25
3.2 An próiseas measúnaithe	25
3.3 Critéir chun iarratais a mheasúnú	26
3.4 Painéis phiaraí	27
3.5 Próiseas Scórála	27
3.6 Dearbhú leasa	28
3.7 Toradh na n-iarratas	29
3.8 Achomhairc	29

Cabhair a fháil maidir le d'iarratas

Má tá ceisteanna agat faoi shuíomh gréasáin na Seirbhísí ar Líne a úsáid, tabhair cuairt ar rannán na gCeisteanna Coitianta ar ár suíomh gréasáin:
<http://www.artscouncil.ie/ga/Teigh-i-dteagmhail-linn/FAQS/Seirbhisi-ar-line/Seirbhisi-ar-line/>

Má tá ceist theicniúil agat faoin bpróiseas iarratais ar líne agus nach bhfuil freagra ar do cheist i rannán na gCeisteanna Coitianta, is féidir leat ríomhphost a sheoladh chuig onlineservices@artscouncil.ie, nó glaoch ar an gComhairle Ealaíon ar **01 618 0200/01 618 0243**

Má bhíonn ceist agat faoi d'iarratas nach mbaineann le cúrsáí teicniúla, ba cheart duit teagmháil a dhéanamh leis an bhfoireann ealaíon a bhfuil iarratas ar mhaoliniú á chur faoina bráid agat ar ríomhphost nó ar an bhfón.

<http://www.artscouncil.ie/ga/Teigh-i-dteagmhail-linn/Liostai-den-bhfoireann-agus-de-chomhairleoiri/>

Chun féachaint ar ár dtreoir YouTube maidir le hiarratas a dhéanamh, téigh chuig:

<https://youtu.be/-a3xeZdZj3o?feature=shared>

Pointí tábhachtacha nach mó� cuimhneamh orthu

- D’fhonn iarratas a dhéanamh, **ní mó�** duit a bheith cláraithe le haghaidh cuntas Sheirbhísí Ar Líne na Comhairle Ealaíon (OLS). Mura bhfuil ceann agat, is féidir leat clárú le ceann a fháil [anseo](#). Tabhair faoi deara go bhféadfadh sé suas le **cúig lá oibre** a thógáil sular féidir úsáideoir nua a chlárú ar OLS, mar sin tabhair go leor ama duit féin é seo a dhéanamh sula mbeidh an spriocdháta buailte leat.
- Molaimid go láidir duit an cháiéis seo a léamh go cúramach sula dtosaíonn tú ar an bpróiseas chun d’iarratas a dhéanamh.
- Molaimid go láidir duit freisin tosú ar an bpróiseas go luath agus **neart ama** a fhágáil chun d’iarratas a dhéanamh.
- Molaimid go mbeadh sé mar aidhm agat d’iarratas a uaslódáil **daichead a hocht uair an chloig ar a laghad** roimh an spriocdháta fógartha. Ar an gcaoi sin, beidh am agat dul i dteagmháil linn má bhíonn aon fhadhbanna teicniúla agat agus beimid in ann cuidiú leat.
- Tabhair faoi deara, de bharr an líon mó� iarratasóirí a úsáideann an córas ar líne lá an spriocdháta, nach féidir linn a dheimhniú go mbeimid in ann aon fhadhbanna teicniúla a bheadh agat a réiteach, sa chás go dtéann tú i dteagmháil linn **i ndiaidh a 2.00 pm lá an spriocdháta**.
- Léigh an seicliosta seo a leanas go cúramach:

-
- Tá na treoirlíne seo léite agam agus tuigim iad.
 - Sa chás go raibh fadhb agam, chuaigh mé i dteagmháil leis an gComhairle Ealaíon chun cúnámh a fháil.
 - Tá gach rannán den fhoirm iarratais a bhaineann le m’iarratas comhlánaithe agam.
 - Tá gach ábhar tacaíochta atá riachtanach ullmhaithe agam, mar a shonraítéar sna treoirlínte seo, agus tá siad sin réidh le huaslódáil agam.
 - D’iarr mé ar dhuine éigin eile m’iarratas a sheiceáil chun a chinntiú nach bhfuil aon earráidí ann agus nach bhfuil aon rud ar iarraig.
-

1. Faisnéis faoin Dámhachtain do Thionscadal Ceoil

1.1 Cuspóirí agus tosaíochtaí na dámhachtana

Is é cuspóir na dámhachtana seo a chur ar chumas ealaíontóirí/ceoltóirí gairmiúla (ealaíontóirí aonair, grúpaí ealaíontóirí nó eagrais) tionscadail nuálacha, uaillmhianacha ceoil atá ar ardchaighdeán a chur os comhair lucht éisteachta.

Tá trí shnáithe sa dámhachtain:

Snáithe 1 Tionscadail a cheaptar le haghaidh taibhiú/taibhithe beo agus lucht éisteachta i láthair, agus a rachaidh i gcion ar phobal ní ba leithne seans ach craoladh a dhéanamh, a chur ar líne nó ar bhealaí eile chun rochtain a thabhairt do lucht éisteachta – e.g. ceolchoirm phoiblí in ionad a d'fhéadfaí a thaifeadadh lena craoladh agus/nó lena scaipeadh ar shuíomh(anna) gréasáin, ar na meáin shóisialta nó ar ardá(i)n eile.¹

Snáithe 2 Tionscadail a cheaptar go heisiach lena scaipeadh go poiblí ach iad a chraoladh, ar líne nó ar bhealaí eile – i.e. sa chás go dtáirgtear aschur ceoil do lucht éisteachta, ach nach mbíonn lucht éisteachta beo ann.

Snáithe 3: Tionscadail taifeadta fuaimé a ceapadh i gcomhar le comhlacthaí ceoil lena scaipeadh ar ardáin dhigiteacha agus/nó trí chóipeanna fisiciúla.

Tá an Chomhairle Ealaíon tar éis an méid seo a leanas a aithint mar thosaíochtaí straitéiseacha le haghaidh tacaíochta tríd an dámhachtain seo:

- Tionscadail ceoil ar ardchaighdeán a mbeadh ealaíontóirí gairmiúla ardchaighdeáin ag gabháil dóibh agus ina léirítéar cur chuige láidir samhlaíoch.
- Tionscadail ina ndírítéar go soiléir agus d'aon turas ar rannpháirtíocht an phobail a mhéadú agus ar an bhfreastal is fearr is féidir a dhéanamh ar an bpobal is mó is féidir agus ar lucht éisteachta nua a mhealladh agus a fhorbairt
- Tionscadail a bhaineann le saothar nua a chruthú agus/nó a chur i láthair nó a bhaineann le ceol stairiúil na hÉireann a chur i láthair nó a thaifeadadh

¹ Iarrtar ort aird a thabhairt ar na treoiríntí i dtaca le COVID-19 ar leathanach 3.

- Tionscadail ar ardchaighdeán ealaíne a thaifeadadh a bhfuil acmhainneacht ioncaim fhéinmhaoinitheach tráchtala teoranta acu.

Cuireann straitéis deich mbliana na Comhairle Ealaíon (2016–25), *Saothar Ealaíne lontach a Tháirgeadh: Forbairt na nEalaíon in Éirinn a Threorú* an bonn eolais faoi na dámhachtainí uile (féach anseo: <http://www.artscouncil.ie/ga/straitéis-na-comhairle-ealaion/>).

Tabhair faoi dearas: moltar do cheoltóirí atá ag obair i réimse an cheoil thraigisiúnta iarratas a dhéanamh ar na dámhachtana tiomanta a thairgtear trí na hEalaíona Traigisiúnta.

1.2 Cé atá i dteideal iarratas a dhéanamh?

Tá an dámhachtain oscailte do dhaoine aonair agus d’eagraíochtaí ag obair sa cheol. Le bheith i dteideal iarratas a dhéanamh, ní mór d’iarratasóirí na riachtanais seo a leanas a shásamh:

- A bheith ina gcónaí i bPoblacht na hÉireann. Ach, i líon teoranta cásanna, féadfaimid glacadh le hiarratais ó lasmuigh de Phoblacht na hÉireann. Sa chás seo, ní mór duit a lua i d’fhoirm iarratais an chaoi a rachadh do thogra chun tairbhe na n-ealaíon i bPoblacht na hÉireann. Chaithfimis a bheith sásta le do mhíniú.

Mar chuid dá [Beartas Comhionannais, Éagsúlachta agus Ionchuimsitheachta](#), tá an Chomhairle Ealaíon tiomanta do **chomhionannas rochtana, deiseanna agus torthaí** a chur ar fáil do gach iarratasóir féidearthá beag beann ar

- Inscne
- Claonadh gnéis
- Stádas sibhialta nó teaghlaigh
- Reiligiún
- Aois
- Míchumas
- Cine
- Ballraíocht den Lucht Siúil
- Cúlra socheacnamaíoch. Sa scéim maoinithe seo, cuireann an Chomhairle Ealaíon fáilte ar leith roimh iarratais ó gach cuid de shochaí na hÉireann, lena n-áirítear aon cheann de na tréithe a luaitear thuas ach gan a bheith teoranta dóibh sin amháin agus/nó tionscnaimh a

chuireann deiseanna nó torthaí cothroma ar fáil dóibh siúd atá bainteach leo.

1.3 Cé hé an t-iarratasóir?

Is ionann an t-iarratasóir agus an duine nó an eagraíocht a gheobhaidh aon deontas a thairgfear agus a bheidh freagrach as glacadh le téarmaí agus le coinníollacha an deontais sin.

Maidir le hiarratais atá á n-ullmhú ag gníomhairí, bainisteoirí, cuideachtaí bainistíochta nó sainchomhairleoirí thar ceann ealaíontóirí nó eagraíochtaí ealaíon, ba cheart don ealaíontóir/do na healaíontóirí, nó don eagraíocht/do na heagraíochtaí, lena mbaineann iad a chur isteach.

Ní íocfar aon deontas a thairgfear ach isteach i gcuntas bainc atá á shealbhú in ainm an iarratasóra.

Ní mór go mbeadh na cáipéisí go léir a chuirfear ar fáil in ainm an iarratasóra (ealaíontóir aonair nó eagraíocht ealaíon) – e.g. má dhéanann tú iarratas chuit an gComhairle Ealaíon ar mhaoliniú faoin ainm Máire de Barra, ní mór go mbeadh gach cáipéis, sonraí bainc agus sonraí cánach ina measc, san ainm sin; mar shampla ní ghlaicfar le leaganacha malartacha amhail Mary Barry nó Barry Studios.

1.4 Cé nach bhfuil i dteideal iarratas a dhéanamh?

Áirítar leo seo a leanas na daoine nach bhfuil i dteideal iarratas a dhéanamh:

- Eagraíochtaí atá ag fáil maoiniú faoi na cláir seo a leanas de chuid na Comhairle Ealaíon faoi láthair: Fáiltítear roimh Mhaoliniú Straitéiseach, Maoiniú Ionad Ealaíon, Maoiniú Comhpháirtíochta - trí rannpháirtíocht a leithéid d'eagrais mar chomhpháirtithe
- Daoine a oibríonn ar bhonn leanúnach le heagraíochtaí atá á maoiniú trí aon cheann de na cláir thuas
- Eagraíochtaí nó daoine aonair a bhfuil Maoiniú Deontais do na hEalaíona 2025 á fháil acu
- Forais Chultúrtha Náisiúnta (nó a gcomhaltaí Comhairle) atá maoinithe go díreach ag an Roinn Turasóireachta, Cultúir, Ealaíon, Gaeltachta, Spóirt agus Meán
- Daoine aonair nó eagraíochtaí nach bhfuil cuntas teiste inléirithe mar ealaíontóirí ná mar eagraíochtaí gairmiúla acu

- Daoine atá i mbun oideachais fochéime faoi láthair (lena n-áirítéar iad siúd atá ag gabháil do chúrsaí bonnchéime) nó a bheidh ina bhun le linn na tréimhse a bhfuil an dámhachtain seo ar fáil.
- Daoine aonair atá ag lorg tacaíochta i dtreo táillí le haghaidh oideachas iarchéime (lena n-áirítéar neamhchreidiúnaithe/ardoideachais nó staidéir).

Tabhair faoi deara:ní féidir leat iarratas a dhéanamh ar an dámhachtain mar dhuine aonair agus mar bhall d’eagraíocht – e.g. ní féidir leat iarratas a dhéanamh mar stiúrthóir ealaíne ar chuideachta agus iarratas a dhéanamh faoi d’ainm féin freisin.

1.5 Cad ar féidir leat iarratas a dhéanamh air?

Tá trí shraith maoiniúcháin ar fáil:

	An t-uasmhéid atá ar fáil*
Snáithe 1	Suas le €40,000
Snáithe 2	Suas le €10,000
Snáithe 3:	Suas le €10,000

Féadfarr iarratas a dhéanamh ar **€40,000 ar a mhéad** i gcás shnáithe 1, agus **€10,000 ar a mhéad** i gcás shnáitheanna 2 agus 3 (tabhair faoi deara nach mbronnnfar méideanna chomh mór sin ach i gcásanna eisceachtúla).

Ní féidir leat iarratas ar thacaíocht a dhéanamh ach faoi shnáithe **amháin** den dámhachtain. **Ní mór** duit an snáithe ar a bhfuil iarratas á dhéanamh agat a aithint go soiléir i gcuid 1.5 den fhoirm iarratais.

Chomh maith leis na gnáth-theorainneacha a luaitear thus, déanfaidh an Chomhairle Ealaíon breithniú ar chostais a bhaineann go sainiúil le cruthú saothair ag ealaíontóirí faoi mhíchumas. Más mian leat cur isteach ar mhaoiniú breise ar an mbonn sin, ba cheart duit faisnéis a chur ar fáil le d’iarratas ag sonrú na gcostas breise sin.

Cé mhéad maoinithe ar féidir leat iarratas a dhéanamh air?

Agus tú ag cur isteach ar mhaoiniú Dámhachtana do Thionscadal Ceoil, ní mór duit buiséad achomair a chomhlánú ar an bhfoirm iarratais AGUS buiséad mionsonraithe a chur isteach ar a liostáltear gach mír ioncaim agus chaiteachais a bhaineann leis an togra atá beartaithe.

Is ionann an t-uasmhéid maoinithe is féidir leat a iarraidh agus an difríocht idir an **caiteachas beartaithe** agus an **t-ioncam beartaithe** a shonraíonn tú sa bhuiséad.

- Ba cheart go n-áireofaí leis an gcaiteachas beartaithe na táillí go léir,* pá, costais theicniúla, costais mhargaíochta agus phoiblíochta, costais riarracháin, srl.
- Ba cheart go n-áireofaí leis an ioncam atá beartaithe an t-ioncam eile go léir a mbeifí ag súil leis – e.g. ó mhaoinitheoirí eile, fáltais réamh-mheasta ón oifig ticéad, fáltais ó dhíolacháin cláir, ioncam ó dhíolacháin taifeadtaí, etc.

Tá sé tábhachtach freisin gach tacaíocht chomhchineáil** a léiriú san ioncam agus sa chaiteachas araon, chun fíorluach agus luach iomlán do thogra a léiriú.

* Nóta maidir le pá ealaíontóirí	Tá an Chomhairle Ealaíon tiomanta do phá agus coinníollacha ealaíontóirí a fheabhsú. D'fhoilsíomar <u>beartas</u> maidir le luach saothair agus conraitheoiréacht chóir chothrom ealaíontóirí. Tá sé tábhachtach go léann tú an beartas sin sula ndéanann tú d'iarratas. Iarrfar ort, mar chuid den phróiseas iarratais, an chaoi a gcinnteoidh tú pá cóir agus coinníollacha cearta do na healaíontóirí a oibríonn leat a leagan amach. Cabhróidh sé seo linn indéantacht d'iarratais a mheas.
** Nóta maidir le tacaíocht chomhchineáil	Má tá tú ag súil le tacaíocht chomhchineáil a fháil, is gá duit luach airgeadais a chur uirthi ionas go mbeidh an ranníocaíocht a dhéanann sí le fíorluach do thogra soiléir. Ba cheart duit caitheamh le tacaíocht chomhchineáil mar chaiteachas agus mar ioncam araon: pé méid a dhearbhaíonn tú ar thaobh an chaiteachais, ba cheart duit é a dhearbhú freisin ar thaobh an ioncaim. Ní féidir am a thugann na stiúrthóirí nó comhaltaí boird a áireamh mar chostas comhchineáil.

Iarrtar ort an t-ioncam, an caiteachas agus an méid atá á iarraidh agat a shonrú ag trí chéim le linn d'iarratais:

- Ar an mbuiséad mionsonraithe a chuireann tú isteach mar chuid d'iarratas
- Ar líne, nuair a chuirfidh tú túis leis an iarratas (na figiúirí iomlána amháin)
- I gcuid 3 den fhoirm iarratais.

Cinntigh go bhfuil na figiúirí iomlána mar an gcéanna sna trí chás agus cinntigh gurb ionann an méid atá á iarraidh agus CAITEACHAS IOMLÁN lúide IONCAM IOMLÁN.

Costais rochtana d'ealaíontóirí nó rannpháirtithe² faoi mhíchumas

Tá an Chomhairle Ealaíon tiomanta do chinntiú go bhfuil ár gcláir mhaoinithe, agus an obair a mhaoinímid, inrochtana do gach duine.

Glacann an Chomhairle Ealaíon le míniú ar mhíchumas ó Airteagal 1 de Choinbhinsiún na Náisiún Aontaithe ar Chearta Daoine faoi Mhíchumas, ina deirtear:

'Cuimsíonn *daoine faoi mhíchumas* iad siúd a bhfuil tearcumais fhisiciúla, mheabhracha, intleachtúla nó céadfacha fadtéarmacha acu, a d'fhéadfadh bac a chur orthu a bheith rannpháirteach go hiomlán agus go héifeachtach sa tsochaí ar bhonn cothrom le daoine eile nuair a bhíonn siad ag idirghníomhú le bacáinní éagsúla.'

Is féidir leat costais rochtana a chur san áireamh laistigh de d'íarratas agus tá dhá chineál costais rochtana ar féidir le do dheontas tacú leo.

1. Costais rochtana pearsanta nó rannpháirtithe

Ba cheart do na costais seo do chuid oibre a dhéanamh inrochtana d'ealaíontóirí nó do rannpháirtithe le míchumais atá ag tabhairt faoi do thogra. Mar shampla:

- Tú
- Na príomh-ealaíontóirí, daoine aonair, grúpaí, nó eagraíochtaí a bhaineann le do thogra
- Comhpháirtithe nó comhoibrithe
- Foireann léiriúcháin
- Foireann lárnach nó príomhphearsanra riarracháin

Mar shampla, d'fhéadfadh na nithe seo a leanas a bheith san áireamh:

- Aistritheoir TCÉ
- Seirbhísí obrí tacaíochta rochtana

Nóta: is féidir chur isteach ar na costais seo anuas ar an uasmhéid atá ar fáil don ghradam agus iad a chur san áireamh sa mhéid iomlán a iarrtar.

² Tugann an Chomhairle Ealaíon sainmhíniú ar rannpháirtithe mar iad siúd a chuireann iad féin in iúl go cruthaitheach trí pháirt a ghlaicadh i ngníomhaíochtaí ealaíonta. I dtéarmaí níos leithne, ciallaíonn sé seo aon duine atá páirteach sna healaíona ar aon bhealach ag aon leibhéal e.g. ag freastal ar imeacht, ag léamh leabhair, ag féachaint ar thaibhléiriú, etc.

2. Costais chun do chuid oibre a dhéanamh inrochtana do dhaoine eile – costais rochtana poiblí

Ba mhaith linn a chinntiú go mbaineann níos mó daoine taitneamh as eispéiris ealaíon ar ardchaighdeán agus go bhféadfadh gach duine rochtain a fháil ar an obair a mhaoinímid.

Baineann na costais seo le do chuid oibre a dhéanamh inrochtana do dhaoine faoi mhíchumas agus ba cheart go mbeadh siad mar ghnáthchuid de do chuid oibre.

Mar shampla, d'fhéadfadh na nithe seo a leanas a bheith san áireamh:

- Aistritheoir ISL le haghaidh d'imeachta nó d'fheidhmíochta
- Seirbhís cur síos fuaimé a úsáid
- Do shuíomh gréasáin a dhéanamh comhoiriúnach le léitheoirí scáileáin
- Ábhair taispeántais a tháirgeadh i bhformáidí eile mar Bhraile nó cloisean

Cad a tharlaíonn má tá an maoiniú a chuirtear ar fáil níos lú ná mar a d'iarr mé?

Má thairgtear maoiniú duit atá níos lú ná mar a d'iarr tú, pléifimid leat conas do ghníomhaíocht beartaithe a chur i gcrích agus an buiséad leasaithe á plé againn.

Nílimid ag súil go laghdóidh tú nó go mbainfidh tú aon tacáiocht rochtana amach ó d'iarratas a dhéanann do chuid oibre inrochtana do dhaoine eile.

Nóta: cur na costais seo san áireamh sa mhéid iomlán a iarrtar laistigh den uasmhéid atá ar fáil don ghradam.

Conas iarratas a dhéanamh ar chostais rochtana

Ní mór dúinn a thuiscint cén fáth go bhfuil tú ag cur isteach ar chostais rochtana agus conas a chomhlíonann siad riachtanais do rannpháirtithe nó do lucht féachana.

Má chuireann tú costais rochtana san áireamh i do thogra, ní mór duit:

- Na costais a léiriú ar dhá líne ar leith san áit a léirítear san fhoirm iarratais.
 - a) Líne do chostais rochtana pearsanta nó rannpháirtithe amháin.
 - b) Líne do chostais rochtana poiblí amháin.

Nóta: cibé an n-úsáideann tú teimpléid bhuiséid na Comhairle Ealaón nó do dhoiciméad buiséid féin,ní mór an dá chineál costais rochtana a léiriú leo féin laistigh de do bhuiséad.

1.6 Cad nach féidir leat iarratas a dhéanamh air?

Ní fhéadfaidh tú cur isteach ar níos mó ná dámhachtain tionscadail amháin i réimse aon fhoirme ealaíne/aon chleachtais ealaíon in aon bhabhta maoiniúcháin amháin, e.g. ní féidir leis an aon iarratasóir amháin iarratas a chur isteach ar Dhámhachtain do Thionscadal Ceoil agus ar Dhámhachtain do Thionscadal Amharclannaíochta in aon bhabhta amháin. I measc na ngníomhaíochtaí agus na gcostas nach féidir leat cur isteach orthu, tá siad seo a leanas:

- Gníomhaíochtaí ar cuid nó fochuid de chúrsaí oideachais foirmeálta iad go príomha
- Gníomhaíochtaí nó costais nach n-oireann do chuspóir na dámhachtana
- Gníomhaíochtaí a d'oirfeadh níos fearr do dhámhachtain eile atá á maoiniú ag an gComhairle Ealaíon (e.g. sparánacht nó coimisiún le haghaidh saothar úr) nó á feidhmiú ag gníomhaireachtaí stáit eile, amhail Cultúr Éireann
- Gníomhaíochtaí atá mar chuid de chlár ealaíne institiúide náisiúnta cultúrtha nó comhlachta eile atá á mhaoiniú go díreach ag an rialtas chun críche ceoil a chur i láthair
- Tionscadail camchuaire (féach ar an Scéim Camchuaire agus Scaipthe Saothair lena n-aghaidh)
- Mórcheannacháin chaipitiúla
- Príomhchostais leanúnacha
- Gníomhaíochtaí atá thart nó a thosófar roimh an 1 Eanáir 2025
- Gníomhaíochtaí chun airgead a thiomsú le haghaidh carthanais, le páirt a ghlacadh i gcomórtas, le haghaidh lucht éisteachta a bheidh príobháideach amháin, a bheidh príobháideach den chuid is mó nó a bheidh i láthair trí chuireadh amháin, nó a bheidh ar siúl go príomha chun brabús a dhéanamh
- Gníomhaíochtaí a ndearna an Chomhairle Ealaíon measúnú orthu cheana féin, mura féidir leat a léiriú go ndearna tú an togra a fhorbairt go suntasach óna chuir tú iarratas isteach an uair roimhe **nó** má mhol an Chomhairle Ealaíon duit go sonrach d'iarratas a atreorú chuig an

dámhachtain seo. Cuimhnigh, áfach, nach ionann a leithéid de chomhairle agus léiriú go n-éireoidh leis an iarratas.

1.7 Cén t-ábhar tacáiochta nach mórtar duit a chur isteach le d'iarratas?

Ciallaíonn ábhar tacáiochta ábhar **ar leith ó d'fhoirm iarratais agus sa bhreis air**. Cabhraíonn sé seo leis an duine a bhfuil measúnú á dhéanamh aige ar d'iarratas chun tuiscint níos soiléire a fháil ar do thogra. Léigh go cúramach cén t-ábhar tacáiochta a theastaíonn thíos, mar is é an chúis is mó a meastar iarratais a bheith neamh-incháilithe ná go dteiptear cloí leis seo.

Le bheith incháilithe le haghaidh measúnú i gcomhair Dámhachtana do Thionscadal Ceoil, **caithfidh** tú an t-ábhar tacáiochta seo a leanas a chur isteach ar líne:

- Buiséad mionsonraithe scarbhileoige ina leagtar amach an t-ioncam agus an caiteachas a bheartaítéar don tionscadal. Ba cheart go gcuimseodh sé sin na táillí a bheartaítéar don fhoireann uile a bheidh páirteach ann, agus iad réalaíoch agus i gcomhréir le leibhéal thaithí ghairmiúil na gcleachtóirí.

Tabhair faoi deara: ba cheart gur cáipéis **ar leith** agus níos mionsonraithe a bheadh anseo leis an bhfaisnéis buiséid achoimre a thugtar sa cháiipéis iarratais agus ba cheart é a chur ar fáil i bhfoirm scarbhileoige ionas gur féidir anailís a dhéanamh air. Chun amhras a sheachaint, fiú mura bhfuil na sonraí buiséid ar leith níos mionsonraithe ná iad sin a chuirtear ar fáil sa phríomhiarratas, **caithfidh** tú cáipéis bhuiséid scarbhileoige ar leith a chur ar fáil ar aon nós.

- **CV:** CV an iarratasóra atá cothrom le dáta, mionsonraithe ar leithligh (trí leathanach ar a mhéad) ina bhfuil cur síos soiléir ar a réimse cleachtais agus ar a chuntas teiste ealaíonta.

Próifíl eagraíochta: ní mórtar d'eagraíochtaí próifíl eagraíochta a chur isteach in áit CV.

- Teimpléad maidir le lucht éisteachta/rannpháirtíocht pobail réamh-mheasta, ar féidir é a íoslódáil ón leathanach faoin maoiniú don Dámhachtain do Thionscadal Ceoil ar shuíomh gréasáin na Comhairle Ealaíon.
- Plean rannpháirtíocha/margaíochta ina dtugtar breac-chuntas ar cé dó an obair agus conas a chuirfear ar chumas daoine/conas a spreagfar daoine chun dul i ngleic leis an obair. Caithfidh sé seo a bheith ina phlean ar leith agus sa bhreis ar an teimpléad téamh-mheastachán maidir le lucht éisteachta/rannpháirtíocht an phobail
- (Snáithe 3 amháin) próifíl ghearr den chomhlacht ceoil lena mbaineann. Chomh maith leis sin, ní mórtar nasc chuig suíomh gréasáin na cuideachta a

chur ar fáil sa chás go bhfuil suíomh gréasán ag an gcuideachta. (Ní mór an dá cheann a chur ar fáil in aon chápéis amháin a bhfuil lipéad soiléir uirthi.)

- Samplaí a thaispeánann obair a rinneadh roimhe seo agus atá ábhartha don tionscadal atá beartaithe, oiread agus cúig cinn ar a mhéad, agus a bhfuil taifid fuaimé ar chaighdeán maith agus/nó comhaid chlosamhairc agus/nó naisc (chuig fuaim/closamharc) leo. Féach ar an gcuid maidir leis **na formáidí comhaid a nglactar leo** chun tuilleadh eolais a fháil air sin. I gcás cumadóirí a chumann scóir go rialta mar chuid dá gcleachtas, ba chóir trí scór nó shliocht shuntasacha ó scór, ar a mhéad, de shaothair cheoil a cuireadh i gcrích le déanaí nó a foilsíodh roimhe seo a sholáthar. **Tabhair faoi deara: caithfear** scóir a uaslódail mar chomhaid PDF (féach thíos) agus a bheith de bhrefis ar an bhfuaim/na comhaid chlosamhairc a sholáthraítear.

Ag brath ar an gcineál togra atá ann, d’fhéadfadh sé go n-áireofaí ar shamplaí ábhartha de shaothar:

- Íomhánna socra
- Léirmheasanna/bróisiúir/ailt – cuir teorainn le méid comhaid na mbróisiúr
- Fianaise ar dhuaiseanna/ar ghradaim
- Cineálacha eile cáipéisí a mheasann tú a bheith ábhartha do do thogra (trí leathanach ar a mhéad).

Tabhair faoi deara: mura gcuireann tú gach a luaitear thuas ar fáil, meastar go bhfuil d’iarratas **neamh-incháilithe** agus ní dhéanfar é a mheas.

Ábhair thacaíochta eile

I gcás go mbraitheann do thogra ar shaineolas daoine eile nó eagraíochtaí eile, ba cheart duit an méid seo a leanas a chur isteach:

- Beathaisnéisí nó CVanna atá cothrom le dáta (trí leathanach ar a mhéad) i gcomhair na bpriomhealaíontóirí a bheidh páirteach sa tionscadal a bheartaítear
- Litreacha/ríomhphoist tacaíochta agus/nó cóipeanna de mheabhráin tuisceana ó cheann ar bith de na rannpháirtithe, comhoibrithe nó comheagraíochtaí príomha, ina sonraítear comhoibriú agus/nó ina ndeimhnítear aon ghealltanais ioncaim, idir airgead tirim agus ioncam comhchineáil, i leith an togra

Neartóidh an t-eolas seo do thogra agus beidh sé mar chuidiú don phróiseas measúnaithe.

D'fhonn an líon mór iarratas a fhaighimid de ghnáth a mheas go tráthúil, **ní féidir** linn aon ábhair thacaíochta seachas na cinn a liostáiltear thusa a athbhreithniú.

Chun freastal ar riachtanais na ndámhachtainí, ní bheidh measúnóirí in ann éisteacht le nó breathnú ar shamplaí fuaimé nó físe atá níos faide ná deich nóiméad. Ba cheart duit a chinntiú go soláthraíonn tú naisc chugna saothair is fearr de do chuid agus/nó go gcuirfeá treoir ar fáil i dtaca le saothair níos faide ina sonrófá na codanna ar cheart measúnú a dhéanamh orthu.

Faisnéis bhreise a bhíonn ag teastáil i gcásanna áirithe:

- Má tá tú ag lorg costais rochtana bhreise chun tacú le hobair daoine aonair a bhfuil riachtanais rochtana acu, nó chun tacú le rochtain ar d'áit oibre do lucht féachana a bhfuil riachtanais rochtana acu, cuir cáipéis san áireamh ina bhfuil na costais sin leagtha amach, agus an chaoi ar thángthas orthu. Déan cinnte go gcuireann tú an méid breise san áireamh mar chuid de do bhuiséad.
- Má tá obair le hainmhithe i gceist le do thogra, ní mór duit cóip de do *Bheartas agus Nósanna Imeachta um Chosaint Ainmhithe* a chur ar fáil.

D'iarratais a bhaineann le leanaí agus le daoine óga atá faoi bhun 18 mbliana d'aois

Éilíonn an Chomhairle Ealaíon ar gach duine aonair agus ar gach eagraíocht a sholáthraíonn seirbhísí (mar shampla seirbhísí cultúrtha, áineasa, oideachais) do leanaí agus do dhaoine óga atá faoi bhun ocht mbliana déag d'aois beartais agus nósanna imeachta oiriúnacha um chosaint leanaí a chur i bhfeidhm. Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais cé acu a bhaineann do thogra leis an aoisghrúpa seo nó nach mbaineann.

- Má fhreagraíonn tú 'Tá' ar an gceist seo san fhoirm iarratais agus má éiríonn le d'iarratas, beidh ort, mar choinníoll maoiniúcháin, a dheimhniú agus a léiriú go bhfuil beartais agus nósanna imeachta oiriúnacha um chosaint leanaí i bhfeidhm agat.
- Má éiríonn leat, iarrfar ort Féin-iniúchadh Dearbhaile Cálíochta na Comhairle Ealaíon i dtaca le Cosaint agus Leas Leanaí a chomhlánú ar <https://childprotection.artscouncil.ie/>. Téigh chug www.tusla.ie le tuilleadh faisnéise a fháil maidir le Tús Áite do Leanaí.

- Éileofar ort freisin do chuid sonraí a nuashonrú sa táb faisnéise faoin bpróifíl sa chuntas Seirbhísí ar Líne (gabh chuig an rannán chun do chuntas a nuashonrú chun sin a dhéanamh).

Maidir le hiarratais a bhaineann le daoine fásta soghonta

Agus iarratas á dhéanamh agat, **caithfidh** tú a chur in iúl i gcuid 1 den fhoirm iarratais an bhfuil obair le nó le haghaidh daoine soghonta mar chuid de do thogra nó nach bhfuil. Má chuireann tú tic sa bhosca Tá, cuireann tú in iúl go n-oibreoidh tú leis an gcohort seo nó go gcuirfidh tú obair i láthair don chohort seo mar chuid de do thogra agus go n-aithníonn tú go bhfuil tú ar an eolas maidir leis an *mBeartas agus na Nósanna Imeachta Náisiúnta um Chosaint Daoine Soghonta atá i mBaol Mí-úsáide** agus go gcloíonn tú leis (féach [anseo](#)).

*** Tabhair faoi deara:** d’fhéadfaí go n-iarrfaí ort níos mó fianaise maidir le bheith ag cloí leis na beartais seo a chur ar fáil má éiríonn le d’iarratas.

Measfar nach bhfuil d’iarratas incháilithe mura gcuirfidh tú an t-ábhar tacaíochta riachtanach isteach.

An fhormáid le haghaidh ábhar tacaíochta

Ní mór gach ábhar tacaíochta don dámhachtain seo a chur isteach ar líne. Ní ghlacfar le cóipeanna crua d’ábhar tacaíochta. Lean na treoirlínte seo le haghaidh na gcineálacha éagsúla ábhar tacaíochta.

Cuir faisnéis chomhthéacsúil san áireamh le haghaidh gach ábhair tacaíochta i dtéacschomhad atá lipéadaithe go soiléir.

Comhaid físe Maidir le comhaid físe ar bith a chuireann tú isteach, ní mór duit an fhaisnéis chomhthéacsúil ábhartha a chur ar fáil.

D’fhéadfadh sonraí a bheith i gceist leis sin faoin saothar, cá huair a léiríodh nó cá háit ar léiríodh é, tráchtairreacht ar théama an tsaothair nó tráchtairreacht ghinearálta, ainm na dtaibheoirí, agus conas a maoiníodh an saothar (e.g. dámhachtain, féinmhaoiniú).

Níor cheart go mbeadh na sleachta níos faide ná trí nójiméad agus níor cheart níos mó ná trí shliocht a chur isteach.

Taifeadtaí ceoil/fuaime Áirigh ainmneacha cumadóirí agus/nó taibheoirí, agus tabhair sonraí ionstraimithe más iomchuí.

Cuir teidil chruinn ar na gcomhaid fuaime trí úsáid a bhaint as an gcoinbhinsiún ainmníochta seo a leanas:

Scóir cheoil nó sleachta scór *Cumadóir(i) – taibheoir(i)/ensemble – ainm an fhuaimriain*

Má tá scóir cheoil nó sleachta á gcur isteach chun tacú le hiarratas, ba cheart iad a chur i láthair i bhformáid chaighdeánach leictreonach (e.g. PDF).

Má bhíonn tuilleadh faisnéise uait faoi na formáidí is féidir leat a úsáid don ábhar tacaíochta is mian leat a uaslódáil mar chuid de d'iarratas, féach rannán 2.3.

Tabhair faoi deara: is féidir úsáid a bhaint as naisc chuiti agus ardáin sruthaithe le samplaí de shaothar a thabhairt. Ní mór ábhar tacaíochta neamhspleách amhail CVanna agus litreacha tacaíochta srl. a uaslódáil mar cháiipéisí aonair le d'iarratas, mar a shonraítear thuas agus i rannán 2.3 **Naisc URL a chur isteach.**

1.8 Incháilitheacht

Measfar go bhfuil d'iarratas **neamh-incháilithe** agus ní chuirfear é chun cinn go dtí an chéad chéim eile den phróiseas má bhaineann aon cheann de na rudaí seo a leanas leis:

1. Chuir tú an t-iarratas isteach i ndiaidh an spriocdháta.
2. Níor sheol tú isteach foirm iarratais chomhlánaithe trí Sheirbhísí ar Líne na Comhairle Ealaíon (ní ghlacfar le foirm iarratais a cheanglaítear mar cháiipéis tacaíochta).
3. Níor chomhlánaigh tú gach cuid den fhoirm iarratais a bhaineann le do thogra.
4. Níl tú incháilithe iarratas a dhéanamh faoi na critéir a leagtar amach i gcuid 1.2 agus i gcuid 1.4 thuas.
5. Chuir tú isteach ar mhéid maoinithe atá níos mó ná an t-uasmhéid a cheadaítear don dámhachtain ar a bhfuil iarratas á dhéanamh agat, faoi mar atá leagtha amach i rannán 1.5 thuas (ach amháin nuair atá tú ag déanamh iarratas ar mhéid breise chun costais rochtana poiblí no pearsanta a chlúdach a dhíol).
6. Chuir tú iarratas isteach le haghaidh gníomhaíochta nó cuspóra nach féidir iarratas a dhéanamh ina leith faoi mar a leagtar amach i gcuid 1.6 thuas.
7. Níor chuir tú gach ceann de na hábhair thacaíochta riachtanacha mar a leagtar amach i gcuid 1.7 thuas ar fáil.

8. Tá d’iarratas níos oríúnaí do chlár maoinithe eile a thairgeann an Chomhairle Ealaíon nó gníomhaireacht mhaoinithe eile (cuirfimid an deis maoinithe níos oríúnaí in iúl duit sa chás seo).

Tabhair faoi deara: sa chás go meastar go bhfuil d’iarratas neamh-incháilithe,ní dhéanfar measúnú air agus beidh tú in ann iarratas a dhéanamh leis an togra céanna i mbabhtaí maoinithe sa todhchaí.

1.9 Cá fhad a thóngfaidh sé chun cinneadh a fháil?

Braithfidh an méid ama a thóngfaidh sé orainn cinneadh a dhéanamh ar líon na n-iarratas a gheobhaimid. Go hiondúil, ag brath ar líon na n-iarratas, tógfaidh sé idir dhá go cúig seachtaíne déag.

2. An bealach chun d'iarratas a dhéanamh

2.1 Cláraigh le Seirbhísí ar Líne na Comhairle Ealaíon

Ní mór gach iarratas a dhéanamh trí Sheirbhísí ar Líne na Comhairle Ealaíon; ní ghlaicfar le hiarratais a dhéanfar ar bhealach ar bith eile (sa phost, ar facs nó ar ríomhphost).

Ní mór go mbeadh cuntas Seirbhísí ar Líne agat chun iarratas a dhéanamh.

Mura bhfuil cuntas Seirbhísí ar Líne agat cheana féin, cláraigh do chuntas tríd an bhfoirm chlárúcháin a chomhlánú anseo:

<https://onlineservices.artscouncil.ie/register.aspx?&lang=gd-ge>.

Laistigh de chuíg lá oibre, seolfar ARN (Uimhir Thagartha Ealaíontóra) uathúil agus pasfhocal chugat trí ríomhphost, agus beidh tú in ann úsáid a bhaint astu chun logáil isteach ar na Seirbhísí ar Líne.

Riachtanais maidir leis na Seirbhísí ar Líne a úsáid

Tabhair faoi deara: beidh ríomhaire nó ríomhaire glúine de dhíth ort chun d'iarratas a chur isteach. Ní oibríonn ár suíomh gréasáin Seirbhísí ar Líne ar fhóin ná ar tháibléid.

Ní mór do do ríomhaire agus don bhrabhsálaí Idirlín na riachtanais seo a leanas a chomhlíonadh ionas go n-oibreoidh na Seirbhísí ar Líne duit:

PC Córás oibriúcháin Windows 7 nó leagan níos déanaí de Windows leis na leaganacha brabhsálaithe seo a leanas: Microsoft Edge (v.94) nó Firefox (v.27) nó Chrome (v.33), nó leagan níos déanaí d'aon cheann de na brabhsálaithe sin.

Mac Mac OS X v10.5 Leopard nó leagan níos déanaí de chóras oibriúcháin Mac leis na leaganacha brabhsálaithe seo a leanas: Safari (v.3.1) nó Firefox (v.27) nó Chrome (v.32) nó Microsoft Edge (v.94), nó leagan níos déanaí d'aon cheann de na brabhsálaithe sin.

Tabhair faoi deara: Má choisceann Safari 11 uaslódáil cáipéisí, úsáid leagan níos déanaí de Safari, nó brabhsálaithe difriúla ar nós Firefox, Chrome, nó Microsoft Edge.

Tabhair faoi deara: ní mór go mbeidh Microsoft Word (Deasc) nó OpenOffice Writer suiteáilte freisin chun an fhoirm iarratais féin a chomhlánú. Bogearra

saor in aisce is ea OpenOffice Writer is féidir a íoslódáil anseo:

<https://www.openoffice.org>.

Úsáideoirí OpenOffice

Féach ar ár bhfíseán *Using OpenOffice to download, complete and upload the application form* ag <https://www.youtube.com/watch?v=iT9XxgmgoEo>.

Ní mór duit OpenOffice Writer leagan 4.0.1 nó níos luathe a úsáid. Nuair a úsáidtear leaganacha níos déanaí ná 4.0.1 de OpenOffice Writer athraíonn an chaoi a bhfeictear ár bhfoirmeacha iarratais nuair a chuirtear isteach trí Sheirbhísí ar Líne iad.

Nótaí tábhachtacha d’úsáideoirí Apple Mac

- Tabhair faoi deara an chuid san fhíseán YouTube (ag 1 nóim. 20, tá an nasc ar fáil thuas) ina bpléitear leis an leagan 4.0.1 a íoslódáil ar ríomhairí Mac ar a mbeadh an córas oibriúcháin Mac OS Mojave nó leagan níos luathe suiteáilte.
- Ní féidir OpenOffice 4.0.1 a íoslódáil ar Mac ar a bhfuil an córas oibriúcháin MAC OS Catalina. Má tá an córas oibriúcháin seo nó leagan níos déanaí de suiteáilte ar do Mac, beidh ort leagan 4.1.9 de OpenOffice, nó leagan níos nuaí de, a íoslódáil agus a úsáid.

Mura féidir leat aon cheann de na riachtanais sin a chomhlíonadh nó mura dtuigeann tú iad, téigh i dteaghmáil linn le comhairle a fháil chomh luath agus is féidir leat roimh an spriocdháta.

Fág do dhóthain ama agat féin chun an t-iarratas a chomhlánú

Ba cheart duit eolas a chur ar shuíomh gréasáin na Seirbhísí ar Líne tamall maith roimh an spriocdháta agus roimh duit iarratas a ullmhú. Is dócha go mbeidh an-chuid cuairteoirí ar an suíomh tráthnóna an spriocdháta. Ba cheart duit d’iarratas a ullmhú agus a chur isteach tamall maith roimh an spriocdháta.

D’fhéadfadh an t-am uaslódála a bheith i bhfad níos faide ná an t-am íoslódála. D’fhéadfadh sé go dtógfadh sé níos faide ná mar a cheapfá d’ábhar tacaíochta a uaslódáil.

Tacaíocht theicniúil a fháil

Má bhíonn tacaíocht theicniúil uait agus iarratas ar líne á dhéanamh agat, is féidir leat dul i dteaghmáil leis an gComhairle Ealaíon ach ríomhphost a sheoladh chuig onlineservices@arts council.ie nó trí ghlaoch a chur ar 01 6180200/01 6180243. Molaimid duit aon deacrachtaí teicniúla a thuairisciú

dúinn tamall maith roimh an spriocdháta. Tabhair uimhir ghutháin agus déan cinnte go bhfuil tú ar fáil chun glaoch uainn a fhreagairt.

Déileálaimid le fiosruithe ar bhonn tús freastail ar an gceann is túisce.

Cuimhnigh go ndéantar anrud glaonna ag druidim leis an spriocdháta agus go mb'fhéidir nach réiteofar glaonna i dtaobh tacaíocht theicniúil a gheofar tar éis a 2.00 p.m. ar lá an spriocdháta.

2.2 Líon isteach an fhoirm iarratais

Mura bhfuil sé seo déanta agat cheana féin, íoslódáil an fhoirm iarratais don dámhachtain ar mian leat iarratas a dhéanamh uirthi. Is cáipéis Microsoft Word (Deisce)/OpenOffice Writer í an fhoirm iarratais, a chomhlánóidh tú as líne (ar do ríomhaire féin). Tugtar treoir ar an bhfoirm iarratais maidir le conas gach cuid den fhoirm a líonadh isteach.

Tabhair faoi deara: tá an fhoirm iarratais leagtha amach chun go mbeidh an Chomhairle Ealaíon in ann faisnéis a bhaint uaithi chun críocha measúnaithe. Tá sé **thar a bheith tábhachtach** go mbeidh freagraí clóscríofa sna boscaí liatha ar an bhfoirm, agus nach mbainfear iad agus/nó nach mbeidh rud ar bith clóscríofa lasmuigh díobh. Má dhéanann tú é sin, beidh fadhbanna ann agus d'fhoirm á huaslódáil.

2.3 Uillmhaigh aon ábhar tacaíochta atá riachtanach don iarratas

Ní mór duit ábhar tacaíochta a chur isteach le d'iarratas. Mar shampla, d'fhéadfadh go mbeadh CV nó samplaí de shaothar reatha de do chuidse i gceist leis seo – e.g. téacs, físeán, íomhánna nó taifeadtaí fuaimé (féach ar chuid **1.7 Cén t-ábhar tacaíochta nach mór duit a chur isteach le d'iarratas?**).

Ní mór duit an t-ábhar tacaíochta uile den sórt sin a chur isteach ar líne – ba cheart duit, más gá, ábhar a scanadh nó a shábháil i bhformáid leictreonach.

Na formáidí comhaid a nglactar leo

Liostaítear sa tábla seo a leanas formáidí comhaid do d'ábhar tacaíochta.

Cineál comhaid	Iarmhír comhadainm
téacschomhaid	.rtf/.doc/.docx/.txt
comhaid íomhá	.jpg/.gif/.tiff/.png
comhaid fuaimé	.wav/.mp3/.m4a
comhaid físe	.avi/.mov/.mp4

scarbhileoga	.xls/.xlsx
Comhaid Adobe Acrobat Reader	.pdf

Ar mhaithe le háisiúlacht, bailigh le chéile na comhaid go léir a theastóidh uait in áit inrochtana ar do ríomhaire.

Naisc URL a chur isteach

Tabhair faoi deara: is féidir úsáid a bhaint as naisc chuig ardáin sruthaithe le samplaí de shaothar a thabhairt. Ní mór ábhar tacaíochta neamhspleách amhail CVanna agus litreacha tacaíochta srl. a uaslódáil mar dhoiciméid aonair le d'iarratas.

In áit d'ábhar a uaslódáil go díreach, féadfaidh tú naisc a chur ar fáil chuig ábhar atá á óstáil ar ardáin sruthaithe nach gcuireann teorainn ar rochtain trí shíntiús airgeadais. Chun é sin a dhéanamh, cóipeáil an URL (seoladh iomlán an tsuímh ar a bhfuil d'ábhar á óstáil) isteach i gcáipéis Microsoft Word nó OpenOffice Writer nó doiciméad PDF agus uaslódáil é mar cháiipéis tacaíochta ina bhfuil nasc gréasáin.

Cé nach liosta iomlán é seo, is samplaí d'ardáin chomhroinnte inghlactha iad YouTube, Vimeo, SoundCloud agus Bandcamp.

Tabhair faoi deara nach nglacfaimid le naisc chuig na foinsí seo a leanas:

- Suíomhanna comhroinnte comhad – e.g. Google Drive, OneDrive
- Ardáin na meán sóisialta – e.g. Meta, Instagram
- Do shuíomh gréasáin pearsanta féin

Tabhair faoi deara: ní bhreathnóidh na measúnóirí ach amháin ar naisc URL a chuireann tú ar fáil. Tá sé tábhachtach go ndéanfaidh tú cinnte go n-oibríonn gach nasc sa doiciméad **agus** go dtugann na naisc an breathnóir chuig an bhfoinse cheart ionas go mbeidh an breathnóir in ann rochtain a fháil ar d'ábhar tacaíochta agus breathnú air.

Ná marcáil d'ábhar mar ‘príobháideach’ mar nach mbeidh sé ar fáil lena mheasúnú. Athraigh na socrutithe ar d’fhíseán go ‘neamhliostaithe’ más rud é nár mhaith leat go mbeadh an pobal in ann féachaint ar ábhar tacaíochta an iarratais ar do chainéal YouTube.

Comhaid a ainmniú go cuí

Maidir le gach comhad a bhfuil sé ar intinn agat é a uaslódáil, tabhair comhadaim air a léiríonn go soiléir cad atá ann nó cad a léirítéar leis – i.e. mar shampla ba cheart go mbeadh sé soiléir ó ainm an chomhaid cibé an CV, téacs samplach nó léirmheas ar shaothar roimhe seo atá sa cháiéis.

Cuir cáipéisí tacaíochta isteach i gcomhaid ar leith atá ainmnithe go cuí.

Ainmneacha	russelljack iarratas ar Thionscadal Ailtireachta.doc
maithe le	russelljack gearrthóg taibhithe.mp4
tabhairt ar	russelljack Tionscadal ailtireachta teimpléad buiséid babhta
chomhaid i	2.xls
gcás	russelljack nasc youtube.doc
iarratasóra	
darb ainm Jack	
Russell	

Is é **40 MB** an t-uasmhéid iomlán maidir leis an ábhar tacaíochta ar fad a uaslódáiltear le hiarratas amháin.

2.4 Iarratas a dhéanamh ar líne

Chun d'iarratas a chur isteach ar líne, ní mór duit dul trí cheithre phríomhchéim. Cliceáil ar **Sábháil dréacht** ag deireadh gach céime. Is féidir leat teacht ar ais chuig d'iarratas agus é a athbhreithniú tráth ar bith sula gcuirfidh tú isteach ar deireadh é.

2.4.1 Roghnaigh clár maoinithe agus íoslódáil foirm iarratais

Chun tú a chur le hiarratas nua, cliceáil ar an gcnaipe **Déan iarratas** ar do leathanach baile, agus lean na leideanna chun an clár cuí maoinithe a roghnú agus chun uimhir uathúil thagartha a thabhairt do d'iarratas, trína n-aithneofar é. Ag an gcéim seo, is féidir leat an fhoirm iarratais a íoslódáil freisin (mura bhfuil sé sin déanta agat cheana féin).

2.4.2 Iarr méid an mhaoinithe

Ag an gcéim seo, sonraigh an caiteachas agus an t-ioncam a bhaineann le do thogra, agus méid an mhaoinithe atá á iarraidh agat. Ba cheart gurb ionann **an Méid atá á iarraidh** agus **Caiteachas iomlán** lúide **Ioncam iomlán**. Ba cheart go mbeadh na figiúirí deiridh a iontrálann tú anseo díreach cosúil leo siúd a iontrálann tú i gcuid 3 den fhoirm iarratais agus i do bhuiséad mionsonraithe.

2.4.3 Uaslódáil an fhoirm iarratais agus an t-ábhar tacaíochta

Lean na leideanna chun d'fhoirm iarratais atá comhlánaithe agat a uaslódáil, mar aon le buiséad mionsonraithe, CV/CVanna agus aon ábhar tacaíochta riachtanach eile (féach ar chuid **1.7 Cén t-ábhar tacaíochta nach mó duit a chur isteach le d'iarratas?**). Ní gá duit gach rud a uaslódáil ag an am céanna. Is féidir leat d'iarratas a shábháil mar dhréacht, agus teacht ar ais chuige níos déanaí.

Tabhair faoi deara: má tá d'fhoirm iarratais curtha i gcrích agat mar chomhaid **.docx**, agus má tá tú muiníneach go bhfuil d'fhoirm iarratais líonta isteach i gceart (lena n-áirítear clóscríobh laistigh de na réimsí liatha) ach go léiríonn na seirbhísí ar líne teachtaireacht a deir nach féidir an fhoirm a uaslódáil, déan iarracht í a shábháil mar chomhaid **.doc** agus í a uaslódáil arís.

2.4.4 Seol an t-iarratas

Nuair a bheidh tú sásta go bhfuil gach rud atá de dhíth chun tacú le d'iarratas uaslódáilte agat agus tic curtha leis an dearbhú agat, cliceáil **Cuir isteach**.

Ní féidir an t-iarratas a athrú tar éis é a chur isteach. Ná cuir an t-iarratas isteach go dtí go mbeidh tú iomlán sásta leis.

Ba cheart go bhfaighfeá dhá ríomhphost. Eiseofar an chéad cheann láithreach bonn nuair a gheobhaidh an Chomhairle Ealaíon d'iarratas. D'fhéadfá an dara ceann a fháil cúpla nóiméad ina dhiaidh sin agus d'uimhir iarratais ann, a úsáidfear i ngach comhfhereagras a bhaineann leis an iarratas seo. **Tabhair faoi deara:** tá sé tábhachtach go rachfá i dteaghmáil le onlineservices@arts council.ie mura bhfaigheann tú an dara ríomhphost deimhnithe ina mbeidh an uimhir iarratais.

3. An chaoi a ndéanaimid measúnú ar d'iarratas

3.1 Forbhreathnú

Déanann an Chomhairle Ealaíon gach iarratas a mheas, tugann sí breith orthu agus cuireann sí a breith in iúl do na hiarratasóirí de réir na nósanna imeachta atá leagtha síos. Is é an aidhm atá ann a chinntiú go bhfuil córas cothrom tréadhearcach ann maidir le dámhachtainí a bhronnadh.

3.2 An próiseas measúnaithe

Nuair a fhaightear é, déanfaidh an Chomhairle Ealaíon d'iarratas a phróiseáil mar seo a leanas:

- 1** Indiaidh d'iarratas a chur isteach, ba cheart go bhfaighfeá dhá ríomhphost:
 - Eiseofar an chéad cheann láithreach bonn, agus admhófar d'iarratas leis.
 - Ba cheart go dtiocfadh an dara ceann cúpla nóiméad ina dhiaidh sin. Beidh d'uimhir iarratais ann, a mbainfimid úsáid aisti sa chomhfhreagras ar fad faoi d'iarratas.

Tabhair faoi deara: ní chiallaíonn na ríomhphoist seo ach go n-aithníonn an córas ar líne gur chuir tú iarratas isteach. Ní chiallaíonn siad go bhfuil d'iarratas incháilithe le haghaidh measúnú.

Mura bhfaigheann tú ríomhphost ina mbeidh d'uimhir iarratais, téigh i dteagháil le onlineservices@arts council.ie

- 2** Seiceáltear inghlacthacht an iarratais. Féach ar chuid **1.8 Incháilitheacht** thusa.
 - 3** I roinnt cásanna, b'fhéidir nach é an réimse ealaíon a ndearna tú iarratas air an ceann is oiriúnaí do do thogra. I gcás mar sin, déanfaimid teagháil leat agus fiafróimid dít an bhfuil tú sásta go mbogfaimid d'iarratas chuig foireann ealaíon níos oiriúnaí. Beidh ort ansin rogha a dhéanamh d'iarratas a bhogadh, nó é a fhágáil faoin réimse ealaíon a ndearna tú iarratas air.
 - 4** Déanann comhairleoír(í) agus/nó an foireann measúnú scríofa ar an iarratas bunaithe ar na critéir mheasúnaithe a leagtar amach i gcuid 3.3 thíos.
 - 5** Molann comhairleoír(í) agus/nó an foireann ar cheart iarratas a chur ar an ngearriosta nó nár cheart.
-

6 Déanann an painéal piaraí athbhreithniú ar na hiarratais go léir ar an ngearrliosta agus ar an ábhar gaolmhar, ansin tugann sé scóir agus déantar cinntí.

7 Cuirtear na cinntí in iúl do na hiarratasóirí i scríbhinn.

8 Déanann an Chomhairle nóta de na cinntí.

3.3 Critéir chun iarratais a mheasúnú

Déantar iarratais a mheasúnú i gcomhthéacs iomaíoch agus cuirtear an fhoirm iarratas agus na hábhair thacaíochta san áireamh. Déantar measúnú ar gach iarratas i gcoinne na gcritéar seo a leanas: **a)** fiúntas ealaíne, **b)** an chaoi a gcomhlíonann siad cuspóirí agus tosaíochtaí na dámhachtana, agus **c)** indéantacht. Cuirtear síos ar gach ceann de na critéir sin thíos.

Cé go bhféadfadh iarratasóirí foirmeacha ealaíne/cleachtais ealaíon eile a roghnú mar chinn a bhaineann lena n-iarratas, déanfaidh an fhoireann atá freagrach as an bpríomhfoirm ealaíne roghnaithe measúnú ar an iarratas agus d’fhéadfaidís siúd, i gcásanna áirithe, measúnú tánaisteach a iarraidh ó fhoireann eile.

A. Fiúntas ealaíne

Díritear le measúnú ar an bhfiúntas ealaíne ar an iarratasóir agus orthu siúd atá bainteach leis an tionscadal, chomh maith leis an gcineál gníomhaíochta ealaíon atá beartaithe, agus áirítear leis breathnú ar an méid seo a leanas:

- Caighdeán an smaoinimh agus na gníomhaíochta ealaíon atá beartaithe
- Cuntas teiste an iarratasóra agus an phearsanra ealaíonta a bhfuil baint acu leis an tionscadal faoi mar a thaispeántar é ina CVanna agus sna hábhair thacaíochta eile a cuireadh isteach
- Acmhainn an iarratasóra agus an phearsanra ealaíonta de réir mar atá léirithe san fhoirm iarratais agus san ábhar tacáíochta a cuireadh isteach
- Comhthéacs na foirme ealaíne nó an chleachtais ealaíon lena mbaineann an ghníomhaíocht atá beartaithe
- An uaillmhian, an úrnuacht agus an inniúlacht atá léirithe sa togra
- Conas a léirítear nuálaíocht, triail agus comhoibriú san iarratas.

B. Cuspóirí agus tosaíochtaí na dámhachtana a bhaint amach

Déantar iarratais a mheasúnú de réir a fheabhas a éiríonn leo cuspóirí agus tosaíochtaí na dámhachtana a chomhlíonadh – (féach ar chuid **1.1 Cuspóirí agus tosaíochtaí na dámhachtana**).

C. Indéantacht

Breathnaítear sa mheasúnú indéantachta ar an gcumas a léiríonn an t-iarratasóir an ghníomhaíocht atá beartaithe a chomhlíonadh. Áirítear air sin breathnú ar na nithe seo a leanas:

- Cuntas teiste an phearsanra a bhfuil baint acu leis an tionscadal a bhainistiú, a riár, agus a sholáthar
- A mhéid a léiríonn an t-iarratasóir go bhfuil coinníollacha agus luach saothair cothrom á soláthar do na healaíontóirí rannpháirteacha
- A mhéid is atá comhpháirtithe tionscadail aitheanta páirteach nó tiomanta
- An buiséad atá beartaithe
- Foinsí eile ioncaim
- Acmhainní eile atá ar fáil agus an teacht atá orthu
- An clár ama nó an sceideal atá beartaithe.

3.4 Painéis phíaraí

Is é cuspóir chruinnithe an phainéis piaraí ná éagsúlacht tuairimí saineolacha a cheadú chun faisinéis a chur ar fáil don phróiseas cinnteoireachta. Bíonn ar a laghad triúr breithneoirí seachtracha ar phiarphainéal a mbíonn an fhoirm ealaíne ábhartha acu agus/nó a mbíonn saineolas acu ar chleachtas ealaíon.

Bíonn comhalta de chuid na Comhairle Ealaíon i gceannas ar gach cruinniú de ghnáth agus gníomhaíonn an comhalta sin mar chathaoirleach gan ceart vótála. Freastalaíonn comhairleoí agus foireann na Comhairle Ealaíon ar na cruinnithe de réir mar is gá, agus bíonn na daoine a raibh baint acu le measúnú tosaigh na n-iarratas ar fáil chun faisinéis a sholáthar, de réir mar is gá. Beidh rochtain ag lucht an phainéis ar gach iarratas ar an ngearrliosta agus ar an ábhar gaolmhar go léir lá roimh an gcrúinniú, tráth a ndéanann siad na hiarratais ar an ngearrliosta a athbhreithniú, a phlé agus a scóráil. Ina dhiaidh sin, déantar iarratais a rangú de réir scóir. Mar thoradh ar an gcomhthéacs iomaíoch agus ar an mbuiséad ar fáil, is dóigh nach mbeidh an Chomhairle Ealaíon in ann a mhaoiniú ach líon beag de na hiarratais a gheofar.

3.5 Próiseas Scórála

Iarrtar ar an bpainéal na hiarratais a scóráil de réir an chórais seo a leanas:

A – Caithfear a Mhaoiniú (10 bpointe): dar leis an gcomhalta painéis gur comhlíonadh na critéir go léir san iarratas le haghaidh na dámhachtana agus go bhfuil maoiniú tuillte aige ar an mbonn sin, an méid atá á iarraigidh más féidir.

- B – Ba Chóir a Mhaoliniú** (8 bpointe): dar leis an gcomhalta painéis gur comhlíonadh na critéir san iarratas an oiread sin go bhfuil maoiniú tuillte aige má tá acmhainní ar fáil.
- C – D’fhéadfaí a Mhaoliniú** (5 phointe): dar leis an gcomhalta painéis gur comhlíonadh na critéir san iarratas, ach ní an oiread sin leis na hiarratais eile ó thaobh iomaíochta de.
- D – Ní Tosaíocht É** (2 phointe): dar leis an gcomhalta painéis nár comhlíonadh na critéir san iarratas an oiread sin go bhfuil maoiniú tuillte aige.

3.6 Dearbhú leasa

D’fhoinn cothroime agus cothromas sa chinnteoireacht a chinntiú, ní mór do chomhaltaí painéis leas a dhearbhú má tá dlúthcheangal pearsanta nó gairmiúil acu le hiarratasóir nó má tá baint acu ar shlí ar bith leis an iarratas. Féadann ‘leas’ a bheith ina ‘leas airgid’ nó ina ‘leas neamhairgid’ (e.g. gaol muintire, comhpháirtíochtaí pearsanta, nó comhpháirtíochtaí gnó idir fhoirmiúil agus neamhfhoirmiúil, etc.)

Ní mór an leas a dhearbhú a luaithe agus is eol don chomhalta painéis é a bheith ann. D’fhéadfadh sé sin tarlú ag an bpointe nuair a iarrtar air/uirthi suí ar an bpainéal (más eol an ‘leas’ ag an bpointe sin) nó tar éis liosta na n-iarratasóirí a fháil. I gcás go ndearbhaítear leas, ní bhfaighidh an comhalta painéis sin páipéir a bhaineann leis an iarratas sin agus beidh air nó uirthi an seomra a fhágáil nuair a bhíonn an t-iarratas ar leith á athbhreithniú. Nuair a thagann an cás sin aníos, vótálfайдh an Cathaoirleach in ionad an chomhalta painéis.

I roinnt cásanna, d’fhéadfadh sé nach n-aithneodh comhalta painéis go bhfuil coinbhleacht leasa ann go dtí go bhfaigheann agus go ndéanann sé/sí athbhreithniú ar na páipéir phainéil. I gcásanna den sórt sin ní mór don chomhalta painéis ball forne den Chomhairle Ealaíon nó Cathaoirleach an phainéil a chur ar an eolas chomh luath agus a thuigeann siad go bhféadfadh coinbhleacht leasa a bheith i gceist.

Sa chás go gcuireann beirt ón bpainéal in iúl go bhfuil coinbhleacht leasa acu i leith aon iarratais amháin, beidh an cathaoirleach páirteach mar chuid den phróiseas cinnteoireachta i gcás an iarratais shonraigh sin.

Má tá coinbhleacht leasa ag Cathaoirleach ainmnithe an phainéil, ní mór dóibh é sin a dhearbhú a luaithe agus is eol dóibh go bhfuil a leithéid ann agus an fógra sin a thabhairt i scríbhinn roimh an gcrúinniú. Sa chás sin, beidh an Ceann Foirne mar chathaoirleach ar an bplé a dhéanfar maidir leis an iarratas a bhfuil coinbhleacht leasa i gceist leis.

3.7 Toradh na n-iarratas

Cuirtear gach iarratasóir ar an eolas i scríbhinn maidir le toradh a n-iarratas.

Cuirfear ríomhphost chugat mura gcuirtear d'iarratas ar ghearrliosta. Má chuirtear d'iarratas ar ghearrliosta, déanfaidh an coiste athbhreithniú air.

Má éiríonn le d'iarratas, cuirfear litir thairisceana chugat ina sonrófar méid an mhaoinithe a bhronnfar ort agus téarmaí agus coinníollacha na dámhachtana. Inseofar duit freisin conas do dhámhachtain a tharraingt anuas.

Faigheann an Chomhairle Ealaíon líon mór iarratas, agus bíonn an t-éileamh ar mhaioniú i gcónaí níos mó ná na hacmhainní a bhíonn ar fáil. Mura n-éireoidh le d'iarratas, is féidir leat aiseolas a iarráidh ar fhoireann na Comhairle Ealaíon. Níl aon ghealltanás ann go mbronnfar dámhachtain mar gheall ar incháilitheacht agus ar chomhlíonadh nósanna imeachta iarratais amháin.

Níl iarratasóirí nach n-éireoidh leo incháilithe chun iarratas a dhéanamh ar dhámhachtain eile de chuid na Comhairle Ealaíon le tabhaint faoin ngníomhaíocht chéanna. Más dóigh leis an gComhairle Ealaíon go mbeadh an ghníomhaíocht atá beartaithe níos feiliúnaí do chlár dámhachtana eile is féidir eisceacht a dhéanamh. I gcás dá leithéid, cuirfear é sin in iúl duit i scríbhinn.

3.8 Achromhirc

Is féidir le hiarratasóirí cinneadh maoinithe a achomharc má mheasann siad gur sáraíodh nósanna imeachta foilsithe na Comhairle Ealaíon, nó gur cuireadh i bhfeidhm go héagórách iad nár cloíodh leo. Má mheasann tú nár cloíodh le nósanna imeachta na Comhairle Ealaíon, breathnaigh ar an bpróiseas achomhirc ar http://www.artscouncil.ie/en/fundInfo/funding_appeals.aspx, nó téigh i dteagháil leis an gComhairle Ealaíon le haghaidh cóip den bhileog faisnéise faoin bpróiseas achomhirc.